



UNIVERSITI
TEKNOLOGI
MARA

Cawangan Perlis
Kampus Arau

Buletin InTouch

@ UiTM Cawangan Perlis

Edisi:
2022

Mendukung Misi GRU2025

Fokus Utama Amanat Rektor
UiTM Cawangan Perlis Bagi
Tahun 2022

Menarik di dalam



UiTM Cawangan Perlis Jalin Kerjasama
Bersama Korea Sports Promotion Foundation
(KSPO) Korea Selatan



Program Hari Hutan Sedunia (21 Mac),
Hari Air Sedunia (22 Mac) dan Ulang Tahun
Penubuhan Trash Hero Perlis Yang Ke-3



UiTM Cawangan Perlis Jalin Kongsi
Kepakaran Kepada Komuniti
Orang Asli Melalui ESKOM
2022



Majlis Menandatangani Memorandum
Perjanjian (MoA) Antara Universiti
Teknologi MARA (UiTM) Dengan
Universitas Gajah Mada (UGM)
Indonesia



MENDUKUNG MISI **GRU2025**

FOKUS UTAMA AMANAT REKTOR UiTM
CAWANGAN PERLIS BAGI TAHUN
2022

Oleh:
Eliy Nazira Mat Nazir
Dr. Razlina Razali

ARAU, 23 Mac 2022 – Telah berlangsung Majlis Amanat Rektor UiTM Cawangan Perlis bagi tahun 2022 di sini pada hari ini. Majlis yang disiarkan secara langsung menerusi saluran YouTube rasmi UiTM Cawangan Perlis telah menggariskan tujuh tujahan yang perlu dicapai oleh warga kampus UiTM Cawangan Perlis.

Ini yang merangkumi (1) Ketampakan Dan Impak Kampus; (2) Pendidikan Berkualiti; (3) Pembangunan Bakat Pelajar; (4) Pembangunan Bakat Staf Dan Kecekapan Tadbir Urus; (5) Pemantapan Penyelidikan Dan Penerbitan; (6) Jaringan Industri, Komuniti, Alumni Dan Perkongsian Pintar; serta (7) Pembangunan Insfrastruktur Dan Infostruktur.

Dalam memperkasakan entiti UiTM Cawangan Perlis ke tahap yang lebih cemerlang, slogan 'Meremajakan UiTM Cawangan Perlis' telah diperkenalkan. Ini tertumpu kepada usaha memberikan nafas baharu kepada roh dan semangat setiap warga kampus melalui pemerksaan bakat staf dan kecekapan tadbir urus," kata Profesor Madya Ts. Dr. Shukor Sanim dalam amanat sulung beliau.

Beliau turut menzahirkan harapan agar keluarga besar UiTM Cawangan Perlis terus mempertingkatkan usaha dan komitmen bagi mengangkat pencapaian kampus ke tahap yang lebih tinggi serta membanggakan. Ini sekaligus akan menjadi pendorong kepada seluruh sistem UiTM untuk mencapai taraf *Globally Renowned University* menjelang 2025 (GRU2025).

